







Digitized by the Internet Archive
in 2015

<https://archive.org/details/ianvsvitaliscast00vita>





IANVS VITALIS
Castalius Leonem.X.P.M.
Lateranen . Episcopatum
Ingredientem Laetabundus
Admiratur



IANVS VITALIS CASTA
LIVS DOCTISIMO PIE
RIO VALERIANO.

S

D

ME quoq; cultissime Pieri sanctissimi Leonis .X.
Pont. Opt. Max. Electio una cū omniū / & deo
rum / & hominum lætitia maximo gaudio medullitus
affecit. Quocirca non potui in tanta Vatum hilaritate
non aliquod exultationis signum pro uiribus præsta
re : quantum uidelicet nostris iuuenilibus lucubratio
nibus fieri potuit. Quod si aliqd calamo dignū inerit /
acerbis adhuc annis / temporis inopiæ / ac nimix le
titix attribuas obsecro. Ne uero expectes a me artē ullā
quam a urī generis grege in primis expeti nō sum ne
scius. Tanto enim / & tam cōmuni omniū gaudio cōfu
sus / nullum ordinem seruare potui. Tu igitur (nam
tibi nūcupantur) hęc qualiacunq; sint ingenioli mei
monumēta (ut benignus es) accipe. Quæ si aliqua ex
parte laudabuntur : certe q̃ tanto uiro sint accepta cen
seri poterunt. Proinde spero te duce me ad maiora pro
gressurum.

Vale Aonidum Leuamen

Datum Romæ .iiii. Idus Aprilis

M.D. Xiii.

IANVS VITALIS CASTALIVS LEO
NEM. X. P. M. LATERANEN. EPIS
COPATVM INGREDIENTEM
LAETABVNDVS ADMI
RATVR.

IAm nouus in terras alto descendit Olympo
Iuppiter : & sancto lætatur Martia uultu
Roma triumphaleis iterum ductura Quadrigas :
Sed tamen armorum cēdat furor : impia cēdant
Prælia Mauortis : siquidem reuocamur ad illa
Sæcula Cumeis præcognita uocibus / aurea
Sæcula : queis nunq̃ maius sonuere Poetę
Ausonii : patribus assurgit Romula Thuscis
Pompa : genusq; suum : / & ueteres agnoscit honores :
Vnde urbem / procereq; auxit / gentemq; togatam.
Roma tuum meritis decimum uenerare triūphis.
Felicem patriam / felices Principe tanto
Hunc populum : hosq; patres / felicia mœnia Romę
Felicem Italiam : et terrarum quicquid ubiq; est.
Nam quę monstra prius totum furibunda p orbem
Irruerant / cedes / incommoda / damna / rapinas
Omnibus intulerant / mansueti hac fronte Leonis.
Territa cesserunt / atq; exanimata repentem
Proripere fugam / in Stygium raptata Baratrum :
Quiq; prius morbi ingruerant mortalibus ægris

Luce Leonis pelluntur Apollinis almae
Datq; salutiferos passim Medicina liquores
Non Aloe tristis / non succis improba amaris
Dulcior Ambrosia sed enim est ac nectare dulci
Roma tuum meritis decimū uenerare triumphis.
Ipsum hunc nanq; tui poscebant iure Quirites.
Ipsum hunc Italia : et terrarū quicquid ubiq; est.
Non ausi sperare unquam tam grandia dona:
Quē uidere prius q̄ spes foret ulla petendi.

Qualis ubi ad gelidos fonteis : laticesq; sonanteis .
Improuisus adest : pręda lassatus / et arcu
Venator liquidis rabiem positurus in undis .
Ergo agite atq; focos / & lumina festa per urbem
Lęti incendamus : lectosq; crememus odores:
Cuncta sonent canctu / uincantur lumine noctes
Stellarum passim radiosq; facesq; micanteis
Aethera per tractusq; poli iaculemur ouantes
Atq; omni sonet ore Leo / Leo cantibus unus
Emodulandus adest . Leo sit uox omnibus una .

Roma tuum meritis decimum uenerare triūphis:
Non hunc terra tulit / non hunc genuere parentes
Mortali de gente sati / Descendit olympto
Tale genus / licet humana sub ueste uidere
Immortale bonum / sanctum / et uenerabile numen
Te regnante cadent fraudes / neq; non mala mentis
Gaudia: simplicitas imprimis pura uigebit.

CRoma tuum meritis decimum uenerare triūphis
Non opus est armis / nutu superabitur hostis
Si quis erit : sed quis tam barbarus / atq; malignus?
Vt contra ire paret / non Maurus & accola syrtis
Non Babylon / non Persa ferox / non dira furentum
Pectora Turcarum ualeant scquire : nec iras
In te acreis mouisse unquam / licet improba cunctos
Vexet auaritia / atq; pū sitibunda cruoris
Gens rabiāt / quēratq; italos populare penates.

CRoma tuum meritis decimum uenerare triūphis
Qui si unquam fors tale nefas tentare parabunt.
Sunt animi / atq; uiri / et congesta pecunia / & auri /
Argentiq; ingens pondus / sunt arma / ducesq;
Magnanimusq; Leo imprimis quem diligit ipse
Ipse deus / deus ipse . Leo tibi uincula Turcæ
Exitiumq; ferent / iam nostra excedere terra
Bizantiq; oris meditare / & linquere pontum .

CRoma tuum meritis decimum uenerare triūphis
Thracia debetur nobis / spatiosa Propontis
Nostra fuit / nostrisq; uenit nūc obuia regnis .
Tuq; Asia ampla tuos ritus antiquaq; sacra
Iamdudum aspicias / pietas est tanta Leonis .

CRoma tuum meritis decimum uenerare triūphis
Nunc erit in precio Virtus : nunc digna Labori
Præmia / et ingenuis nunc artibus ampla parantur
Munera / quid resides animi torpetis : ab alto

Iamdudum somno confurgite : concitat omneis
Nunc Leo : sat uitiis / sat fœde / & turpiter ausis
Indultum : nunc regna sibi tenet unica Virtus.

¶ Roma tuum meritis decimum uenerare triumphis
O/tandem/o/longo post tempore sæcula nobis
Aurea nascentur / nullo poscente Colono
Matris Eleusine fruges:et palmite pleno.
Decerpet dulcet uuas / & dona Lyei:
Mella dabunt Sentes:sudabunt Robora Amomū.

¶ Roma tuum meritis decimū uenerare triumphis.
O/ felix p atria dominus / nunc urbis/et orbis :
Quæ tam quæ fausta | & felix concordia cœtus
Cardinei / studiis qui tam concordibus unum
Te inuenem patribus cunctis/tantoq; Senatu
Preposuere:ultroq; tibi dixere/ Iubebis
Rex tu noster eris : tali tu stemmate dignus

¶ Roma tuum meritis decimū uenerare triumphis.
Sancte pater hominum reuerentia / cura duorum /
Spes miserum / lux clara hominū : decus atq; deorū
Aspice nos : felix q; pias ne desere Musas:
Solutus ab Aoniis semper cantande Camœnis:

Tu uero Pater alme hominum : pater alme deorum
Sydera qui / tractusq; maris/ terrasq; iacenteis
Arbitrio regis immenso : & mortalia sæcla
Sponte tua reficis / truncas : multosq; per annos
Producis : nec fata tibi ullam imponere legem

Audent : his hominum precibus moueare ꝑcantum :
Dum sic intenti spectant placida ora Leonis:
Longos esse dies decimo / multosq; per annos:
Da decimo prodesse ægris mortalibus : atq;
(Quod cupit humanum genus) instaurare medela/
Quam tulit /e/ summo per te demissus Olympo.

F E L I C I T E R

Io : Baptista Rubertus Pegaseus.

S Igniferi magnus fuerat L eo/ magnus & urbis
Rector iure sua mēia nactus ope est:
Magnus uterq; /fuit cœlo demissus uterq;
Maximus ingenio Iane at uterq; tuo est:
Nanq; duos uno dum concinis ore Leones:
Alterius terra est / alteriuiq; Polus.

Mariangelus Accursius.

C Vi noua Semiferi tetrica sub arundine fama
Contigit/ ore nouo dum canit ad Cytharam:
Mirantur Myniæ iuuenem præclara mouentem :
Orphea maiorem qui prius audierant.
Hic quoq; q̃ iuuenis / q̃ nomina clara Leonis
Ore nouo exultat / læta per arua lyra:
Quis non quod tetrica modulatur arundine Carmen
Miratus dicat /Spem fore Roma tuam?

Cyl. P. Paulus Syg. Vit.

T Artareos potuit fidibus qui flectere Manes
Castalio doctam deferat ille chelym:
Et Cythara fretus Dirceę conditor urbis
Conticeat: Celebrī pectine saxa mouens.
Romanas Siculis Puppis quem uexit abundis
Trans fauces: Huius dextera tangat ebur.


I D E M

Iane Sacrum Celebret / Laudo quod musa Leonē
Quam bene / Nam geminus Cernis utrumq; polum.

Franciscus. Aquila Beneuentanus

C Eruiçe in flexa Cœlestis clauiger aulæ:
Qui uidet Eoas / Hesperiasq; plagas:
Templa deis latio / & primum cœlestibus aras
Instituitq; sacris Thura Sabea focis.
Castalii Vates hic Ianus ianitor antri
Atq; Hyppocrenis/nectar ab inde ferens
Pontificis primum canit iste Leonis honores:
Quo cingat meritum terna corona caput.
Si qua parte huc usq; cauę uiguerē tenebrę:
Obscurum lustrat nunc Cynosura locum.

F I N I S



See

SPECIAL

92-B

23514

